

- فعلا يا سامح .. وكمان بص معايا عالحلة من تحت كده .. هتلاقي إن قاع
الحلة متخطط دواير كده شايفها ؟

- اه ده حقيقي فعلا

- الدواير دي يا سيدي عشان التوزيع الجيد للحرارة على كل مكونات الحلة..
يعني ميقاش فيه حته الأكل فيها استوى وحتة لأ

- معقول الكلام ده !! .. دي حاجة ولا في الأحلام

- ما هو ده شعارنا في الشركة .. كل اللي بتعلم بيه بنحققهولك

- طيب أنا ملاحظ على جوانب الحلة فيه حتتين بارزين كده يا عبد الرحمن..
إيه دول ؟

- الحلة الذكية يا سامح مزودة بعدد اتنين مقبض عشان تعرف تمسك الحلة
وتشيلها .. والمقابض دي مصنوعة من البلاستيك العازل للحرارة

- ياااه .. أنا مش مصدق عينيا .. ده كل حاجة فكروا فيها

- ومش بس كده يا سامح .. الحلة الذكية سعتها كبيرة جدا زي مانت شايف
.. وممكن تطبخ فيها الخضار والمحاشي بأنواعها وممكن تاخذ فرختين وكمان

الرز والمكرونة

- وممكن أعمل فيها شوربة ؟

- أكيد يا سامح .. الحلة الذكية مفيش حاجة مبتعملهاش .. وكمان أعزائي
المشاهدين عرضنا لسه مخلصش .. الحلة الذكية بيجي معاها غطا للحلة من

نفس اللون والمقاس عشان تقدر تغطي الحلة

- بجد يا عبد الرحمن .. الغطا من نفس مقاس الحلة .. ده انت كده حليت
مشكلة كبيرة جدا .. لأن معظم ستات البيوت بيعانوا من مشكلة إن الغطيان

يا كبيرة جدا عالحلة يا صغيرة جدا .. بجد بجد أنا مذهول

- لأ وخد كمان المفاجأة دي يا سامح .. قلبك جامد ؟ .. مستعد ؟ .. عرضنا
كمان لو اتصلت مش بس الحلة الذكية .. لأ .. ده هتاخذ معاها مجانا .. أيوة

مجانا .. الفوووووطة السحرية

- لأ يا عبد الرحمن .. أنا هعيط من كتر الفرحة .. يعني كمان الفوطة السحرية مع الحلة الذكية ؟
- أيوة يا سامح تمالك أعصابك .. الفوطة السحرية أهى يا سامح .. قول لي إيه أول حاجة شدتك فيها
- لونها رائع جدا
- بالظبط كده .. الفوطة السحرية تتميز بألوانها الجذابة جدا .. وفيه منها ثلاث ألوان .. الأحمر والبني والبنفسجي
- ياااه يا عبد الرحمن .. كلهم أحلى من بعض .. ينفع آخد الثلاثة ؟
- هههههههه .. طبعا اتفضل يا سامح .. الألوان دي مريحة للعين جدا كأنك بتتفرج على منظر طبيعيي .. وكمان تحب الأطفال في المطبخ ويساعدوا مامتهم في شغل المطبخ وهم سعداء
- اه ده أكيد يا عبد الرحمن .. مع الفوطة دي الأطفال مش هيطلعوا من المطبخ خالص
- وفوق كده .. الفوطة دي مصنوعة من القطن .. وكمان تقدر تمسح بيها أي مية تتكب عالارض أو عالترايزة .. ومش بس المية لأ ممكن عصير أو شوربة أو أي سائل
- لأ يا عبد الرحمن .. كده مش معقول بجد .. شوية شوية تقول لي إني ممكن أشيل بيها حاجة سخنة
- فعلا يا سامح .. فوطتنا السحرية تقدر تشيل بيها حاجة سخنة
- أنا حقيقي مذهول .. دي حاجات لا تقدر بثمن
- ودي مفاجئتنا الثالثة النهارده يا سامح .. السعر .. عرضنا النهاردة الحلة الذكية بتصميمها الدائري الرائع .. وواسعة جدا من جوه ممكن تحط فيها أي حاجة .. ودواير توزيع الحرارة .. ومقبضين من البلاستيك تشيلها بيهم .. وغطا رائع على مقاسها بالظبط .. وممكن تدخلها التلاجة وكمان ممكن تحطها عالنار .. ومش كده وبس .. لأ معاها كمان الفوطة السحرية ..

بألوانها الجذابة .. ومصنوعة من القطن .. وممكن أمسح بيها أي حاجة ..
وكمان ممكن أشيل بيها حاجة سخنة .. كووووووول ده فقط بـ ٩٩٩ جنيه
+ مصاريف الشحن
- والله يا بلاش .. أنا هاروح جري أتصل قبل ما الكمية تخلص
- شاطر يا سامح